

Das erste theil

Wellen vnnnd steiffen Waasen vmbge-
wechselt außgefüllet/vnnnd vest gemas-
chet/vnnnd darauff mit dillen überleget
werden. Fürnemlich aber soll fürses-
hung geschehen/das die schanzen vor
allen Wassergüssen des regenwetters
verwaret werden.

Auff das nun/erzeltes vnd nachfol-
gendes/alles fürderlichen vnnnd ohne
saumnusß volbracht werden könne/ge-
bürt sich/vnnnd ist über auß nötig/das
man zuvor/vnd ehe dan mans bedürff-
tig/ neben anderer rüstung vnnnd zeug/
zu jeder Büchsen sonderlich gehörig/
als da ist pulver/ Kugel/ gemachte vnd
gerechte krantz/ auß alten zerfasten seiln/
Klotz vnnnd fürschlåg zu einem vorrath/
eisene ring oder lehr zu messung der Kus-
geln/ zochen/ zünter/ ladsch auffel/ setz-
kolben vñ wischer/ stecheisen/ danholz/
wag vnnnd gewicht/ feuerzeug/ Kerzen/
verborgene latern/ richtscheit/ winckel-
hacken/ pleywag vñ heu ic. auch mit als
lerley andern werckzeug/ als gutē star-
ckē hebeisen/ hebtremel/ reuthauen/ spitz-
pickeln/ gaisfüßen/ sail/ negeln/ häm-
mern

Mancher-
ley notdürff-
tiger rüst-
vnd werck-
zeug.